

D3 Auschwitz-Birkenau



Ando 1942-dikno bers december 16-án o Heinrich Himmleri ári dinya, hogy le cele „cigányen”, ako még te akani ando nyimciko birodalmo dzsivel, Auschwitzoszte kampe te lidzsen. Adá auschwitziko rendelete szikagya, hogy adá hi o utosóno tervo, aszoha le cele „cigányen” ári kamnahi te vigzinen. Ando 1943-dikne berseszkeró áprilisi kezdingye ole nyimcike, osztrákike taj csehike romen taj szinten tömegesen te lidzsen AuschwitzBirkenauvoszte. Buter szar 20 000 romen taj szinten rakingye peder jekfáeszte 32 kastune barakkoszte ando „cigányiko családiko tábori” Auschwitzoszte. Pe 1944-dikne berseszkeró júlijusi lengeró 70 százaléko múlo sztya. Áver lágerende liginye odolen, ako még te akani kípésne sztye búti te kerén. Ando 1944-dikno bers augusztus 2-án ráti gázoha mundargye ole 2879 fogjen, ako ácsihnye.

💡 Dzsannahi odá

... hogy o rabi ando „cigányiko” lágéri lázadási kamnahi te kerén? Ando 1944-dikne berseszkeró májusi, akana zalog dzsénen maskar lende ári választingye po gázosítási, o roma taj o szinti kopajenca taj bárenca zavarinye ári ole SS-esne őren andar o „cigányiko” barakko.

✍ Tumari búti

Szi jek lista, aszo uppe sorolinel odole romengero taj szintengero nevo, akasz Auschwitzoszte mundargye. Dikhen le Auschwitziko Emlékezőne Thaneszkeró honlapo taj dzsanen buter!

📷 Palo kípó

Jek barakko oggyándarrú – o gáda ráti ári terítinnahi, hogy odi masina, aszo pe kípószkeró közepo hi, te sutyarel len. Adá hi o egyetlénno pindzsardo kípó palo auschwitz-birkenauviko „cigányiko” lágéri. Nyimciko Szöveccségiko Arhívumo, Koblenzo, Nyimciko.



<https://www.romasintigenocide.eu/romungro/d>

1910

1951

1943-44